

PREDMET: *Poziv bh. turističkim agencijama za učešće na Swiss Travel Day-u na kojem će Bosna i Hercegovina biti predstavljena kao gostujuća država*
Zurich Oerlikon – Švicarska, 25. oktobra 2018. godine

Poštovani,

S ciljem unapređenja ekonomske saradnje, promocije Bosne i Hercegovine kao turističke destinacije i predstavljanja usluga turističkih agencija iz Bosne i Hercegovine na tržištu Švicarske, a na inicijativu i u partnerstvu sa udruženjem ***i-dijaspora*** u okviru inicijative ***i-platform – Diaspora za razvoj Bosne i Hercegovine*** iz Berna, Vanjskotrgovinska/Spoljnotrgovinska komora Bosne i Hercegovine, Privredna komora Republike Srpske i kompanija SEE Investment Solutions organiziraju ***učešće na Swiss Travel Day-u, koji će se održati u Zurich-u, Švicarska, 25. oktobra 2018. godine.***

Swiss Travel Day je glavna platforma za švicarski outgoing-turizam i predstavlja najznačajniji događaj turističke branše u Švicarskoj. Na ovom skupu se očekuje prisustvo glavnih švicarskih aktera iz oblasti turizma, te turističkih agencija iz različitih država. Bosna i Hercegovina će kao gostujuća država na Swiss Travel Day-u imati svoj štand, na kojem će predstavnici bh. turističkih agencija imati mogućnost predstaviti svoje usluge i stupiti u kontakt sa potencijalnim švicarskim partnerima i glavnim akterima švicarske turističke branše. Događaj će biti medijski praćen, između ostalog i kroz medijsku konferenciju na kojoj će potencijali Bosne i Hercegovine kao turističke destinacije biti predstavljeni široj publici.

U četvrtak, ***30. avgusta 2018. godine od 11:00 do 14:00 sati***, za prijavljene turističke agencije biće upriličena ***radionica*** na kojoj će predstavnici tih kompanija dobiti smjernice kako se što bolje pripremiti za Swiss Travel Day. Turistički konzultant iz Švicarske sa više od 30 godine radnog iskustva, koji će voditi radionicu, predstaviće takođe zahtjeve švicarskog tržišta i mogućnosti izlaska na švicarsko tržište za bh. turističke agencije. Radionica će se održati u prostorijama Vanjskotrgovinske/Spoljnotrgovinske komore Bosne i Hercegovine u Sarajevu.

Troškovi koje snose organizatori:

- Logistički troškovi učešća (štand, oprema i catering) na Swiss Travel Day-u (i-platforma);
- Priprema firmi za tržište Švicarske i B2B – radionica (i-platforma, VTKBiH, PKRS);
- PR i marketing aktivnosti u BiH i Švicarskoj (i-platforma, VTKBiH, PKRS).

Troškovi koje snose bh. firme:

- Troškovi putovanja, putnog osiguranja i smještaja za svoje predstavnike.

Kriteriji za učešće bh. firmi:

- Turistička agencija nudi *usluge domaćeg turizma*
- Firma ima iskustvo u saradnji sa turistima iz inostranstva
- Za učešće na Swiss Travel Day-u, agencija će osigurati prisustvo maksimalno dva predstavnika s pravom odlučivanja i znanjem engleskog i/ ili njemačkog jezika;
- Firma je spremna na saradnju i razmjenu informacija sa organizatorima u pripremnom i periodu poslije događaja (prisustvo pripremljenoj radionici; podaci o ostvarenim kontaktima i rezultatima istih, ..);
- Firma je spremna participirati u troškovima vlastitog učešća (avio-karte; hotelski smještaj; putno osiguranje) i dostaviti dokaz o putnim troškovima (boarding passes, kopije faktura);
- Firma će pripremiti vlastite promotivne materijale potrebne za Swiss Travel Day.

Pozivamo Vas da izrazite svoj interes za učešće na Swiss Travel Day-u putem e-maila na mirko.boskovic@komorabih.ba ili draganas@komorars.ba.

Kontakt osobe: g. Mirko Bošković, VTKBiH (033 566 186) i g-đa Dragana Šobot (051 220 611).

Rok za prijavu je ponedjeljak 27.08.2018.

S poštovanjem,

